



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1000. Usque Ad Annum 1063

Fleury, Claude

August. Vind. [u.a.], 1761

VD18 90117956

§. 38. S. Guntherus Eremicola.

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

digiis colluceret, annis exinde quinquaginta elapsis e terra levatum est, & cultu publico Sanctis exhiberi solito honoratum. Ecclesia ejusdem memoriam vigesima Augusti, qua die ejus Corpus translatum est, agit.

Sæculum XI.

A.C. 1037.

Martyr. Ro.

20. Aug.

§. XXXVIII.

S. Guntherus Eremita.

Guntherus seu Guntherius Anachoreta, cujus mentionem paulo ante fecimus, in Thuringia latissimorum fundorum Dominus, Majorum ceris & sua Dignitate illustris, peccata adolescentiæ suæ deleturus, S. Godehardum tunc Abbatem Hersfeldensem, postea Episcopum Hildesheimensem, adiit. Cumque ei conscientiæ suæ arcana revelasset, suavit. *Sæc. 6.*
Abbas, ut vitam monasticam amplecteretur. *Ben. p. 475.*
Igitur reliquit Bona sua admodum pingua, donavitque ea Monasterio Hersfeldensi, consentientibus propinquis, quibus hæreditas subtrahebatur, & servavit sibi, unde viveret, Monasterium Welinganum, quo adhuc Sæcularis, pro illius ætatis abusu, fruebatur. Quare visum Abbati ipsius, diutius a professione votorum esse arcendum. Postquam deinde in Altahensi Monasterio, eidem Abbati subjecto, professus fuit, cum licentia Abbatis ad Welinganum, ipsi sustentando destinatum, concessit. Sed

Sup. lib.

LVIII. §.

58.

Sæculum XI. tam Religiosæ paupertatis, quam laboris
A.C. 1039. infuetus cum magnis difficultatibus in
 regimine illius domus colluctabatur &
 sæpe consilium expetens recurrebat ad
 Godehardum Abbatem, qui ei aliquan-
 do severo vultu & virili constantia re-
 spondit; alterutrum esse necessarium, ut
 vel stabilitatem loci & obedientiam,
 quam Deo vovisset, servaret, vel abje-
 cto monastico habitu ad Sæculum redi-
 ret. Quin & hanc rem Abbas detulit
 ad Cæsarem S. Henricum, qui ac-
 cersito ad se Guntherio serio suggestit,
 non posse ipsum duobus Dominis servi-
 re. Itaque Guntherius, relicta Welin-
 ga, Altaham reversus privatorum mona-
 chorum regulæ se submisit.

In Monasterio Guntherius brevi tem-
 pore singulari vitæ austeritate præ cete-
 ris omnibus claruit, ejusque virtutis fa-
 ma usque ad S. Stephanum Hungariæ Re-
 gem propinquum suum pervasit. Rex
 cupiens ejus conspectu & alloquio frui
 bis nuncios misit, qui re infecta redie-
 runt. Tandem vero, cum tertio roga-
 retur, benedicente Abbate suo, nuncios
 Regis secutus ab eo inter summæ lati-
 tiæ signa exceptus est. Persuasit quidem
 Stephanus hospiti, ut mensæ Regiæ ac-
 cumberet, sed eo adducere non potuit,
 ut carnes manducaret.

Exinde

Exinde Vir Sanctus, Abbate suo con-
sentiente, cum aliquot monachis Alta-
hensibus ad desertum in vastis Bohemiæ
Silvis inventum se recepit, ubi novo fun-
dato monasterio, anno 1008, postea annis
triginta septem perseveravit. Ipse & Di-
scipuli ejus extrema paupertate conten-
ti, cibo obvio reficiebantur, sola aqua in
certa mensura sitim restringebant. Gun-
therius omnium Magister, vir literarum
rudis, nihil præter aliquot Psalmos didi-
cerat. At cum alios S. Scripturam legen-
tes vel exponentes maxima attentione
& studio auscultasset, sæpe sensus mysti-
cos modo subridens, modo serio non sine
audientium admiratione explicabat; Au-
ctor vitæ ipsius refert, semel Guntherium
a se auditum fuisse, habentem de S. Jo-
anne Baptista Sermonem, tanto animo-
rum motu, ut ex præsentium oculis la-
chrymas elicuerit. Obiit nona Octobris
anno 1045. atque Sanctorum numero ad-
scriptus est.

§. XXXIX.

Casimirus Monachus Rex Poloniæ.

Inter hæc Miecislao Rege Poloniæ anno
millesimo trigesimo quarto fatis fun-
cto, cum Casimirus ejus filius necdum
ad ætatem regendis populis parem per-
venisset, vacantis Solii seu magis Anar-
chiæ species per annos septem fuit. Ri-

U 5

xa